

金液法象



道藏輯要

金液詩曰

金液還丹印證圖詩

三

胃集十一

朝朝金鼎起飛烟氣足河車運上天甘露遍空滋萬彙靈泉一派汎長川猶如雀卵團圓大間似驪珠顆顆圓龍子脫胎吞入口此身已證陸行仙

朝朝金鼎起飛烟氣足河車運上天者修煉之士採藥物於不動之中行火候於自然之內朝朝不間刻刻用功奪天地陰陽生成之造化法河車流通運轉之機樞顛倒坎離以飛烟起於金鼎循環烏兔則金液搬上崑崙矣甘露遍空滋萬彙靈泉一派汎長川者天雨甘露則為世瑞之徵丹生甘露乃結靈胎之兆丹本氣凝氣因水化產水川源即是靈泉妙

窟也猶如一派長川滔滔靈液不舍晝夜流潤丹田運上泥
丸凝結聖胎百日之後形象已具猶如雀卵團團大間似驪
珠顆顆圓也輝煌閃爍光耀崑崙此乃真履實詣之景象知
之者現在目眈眈之者猶隔天淵龍子脫胎吞入口此身已
證陸行仙者十月胎圓霹靂一聲頂門迸裂嬰兒出現卽龍
子脫胎時也刀圭入口立躋聖位恁時自知我命堅難壞已
證陸地神仙矣

道藏輯要

金液還丹印證圖詩

罕

胃集十一